

81  
NO. SOALAN: 37

**PEMBERITAHUAN PERTANYAAN BAGI JAWAB LISAN  
DEWAN RAKYAT**

**PERTANYAAN : LISAN**

**DARIPADA : DATUK SERI PANGLIMA HAJI ABDUL  
GHAPUR BIN SALLEH [ KALABAカン ]**

**TARIKH : 20 MAC 2018**

**RUJUKAN : 10597**

**SOALAN:**

**Datuk Seri Panglima Haji Abdul Ghapur Bin Salleh [ Kalabakan ]  
minta MENTERI DALAM NEGERI menyatakan kebelakangan ini  
banyak kita dengar jenayah-jenayah termasuk penyeludupan  
barang dan perdagangan manusia di daerah Tawau dan Sabah  
khasnya. Adakah Kementerian dapat menjelaskan mengenai  
perkara ini.**

**JAWAPAN:**

Tuan Yang Dipertua,

Kementerian sentiasa mengambil tindakan berikut untuk memperketatkan kawalan di sempadan negara bagi mengekang aktiviti penyeludupan:

- i) Malaysia telah menandatangani *United Nations Convention on Transnational Organised Crime* (UNTOC) pada 26 September 2002 dan meratifikasinya pada 24 September 2004. Selain itu, Malaysia juga telah menganggotai protokol di bawah UNTOC iaitu *Protocol to Punish and Suppress Trafficking in Persons Especially Women and Children* (TIP Protocol) pada 26 Februari 2009. Kedua-dua instrumen ini memberikan panduan yang jelas mengenai tanggungjawab negara ahli dalam menangani jenayah rentas sempadan termasuk pemerdagangan orang dan penyeludupan migran;
- ii) Kerajaan telah menujuhkan Agensi Kawalan Sempadan Malaysia (AKSEM) bagi meningkatkan lagi kawalan di sempadan darat negara dengan menggabungkan agensi penguatkuasaan seperti Polis Diraja Malaysia (PDRM), Jabatan Kastam Diraja Malaysia (JKDM), Jabatan Imigresen Malaysia (JIM), Agensi Anti Dadah Kebangsaan (AADK) serta Lembaga Kenaf dan Tembakau Negara bagi mengambil tindakan secara bersepadu untuk meningkatkan kawalan di sempadan darat negara;

- iii) mempergiatkan lagi tindakan penguatkuasaan oleh pasukan-pasukan khas yang ditubuhkan seperti *Special Tactical Intelligence Narcotics Group* (STING) untuk membanteras *drug kingpin* serta sindiket pengedaran dadah berskala besar, *Special Task Force on Organised Crime* (STAFOC) untuk membanteras jenayah terancang dan *Special Task Force for Anti Vice, Gaming and Gangsterism* (STAGG) untuk membanteras kegiatan yang mempunyai unsur-unsur kongsi gelap dan maksiat;
- iv) memperluaskan lagi jaringan kerjasama di peringkat antarabangsa dan tempatan dalam berkongsi maklumat risikan serta menjalankan operasi bersama; dan
- v) mengambil tindakan pencegahan di bawah Akta Dadah Berbahaya (Langkah-Langkah Pencegahan Khas) 1985 ke atas *drug kingpin* dan Tindakan di bawah Akta Pencegahan Jenayah 1959 (POCA) bagi kes-kes jenayah serta di bawah undang-undang lain dalam negara.

Tindakan pencegahan seperti berikut telah diambil bagi mengekang aktiviti penyeludupan barang bersubsidi dan penyeludupan migran di kawasan yang bersempadan dengan Indonesia terutamanya di Pulau Sebatik, Tawau:

- i) membina Pos Keselamatan di Burs Point, Tawau oleh Majlis Keselamatan Negara (MKN) dengan nilai kos RM 2.7 juta. Pos keselamatan ini akan dikawal secara bersama antara

**PDRM dan ATM dengan kekuatan satu Platun (30 anggota) dalam satu masa; dan**

- ii) kekuatan keanggotaan Pos Wallace Bay telah digandakan untuk mengawasi perairan Kuala Serudung dan Sungai Kalabakan di samping rondaan oleh Pasukan Gerakan Am diteruskan dari Pengkalan Wallace Bay dan Pengkalan Marin Tawau, Sabah.**

Dengan adanya langkah yang lebih drastik ini, diyakini masalah penyeludupan akan dapat dikurangkan dan dapat mengurangkan kerugian kepada Kerajaan dalam kutipan cukai di samping mengawal penyeludupan barang merbahaya seperti senjata api dan dadah yang boleh menggugat keselamatan negara.